

Aruba a participa den proyecto internacional di arqueologia

ORANJESTAD - E promer hendenan a yega nos isla mas di 4000 aña pasá. Tabatin desde e temponan e temponan ey diferente fluho di migracion di (promer) e Indjannan y despues e.o. e Europeonan. Te cu e Periodo Historico Indjan (1880), pa mas di 4500 aña largo, cocolishi a fungi como

un fuente importante di cuminda y tambe como materia prima pa traha e.o. herment, ornamento y obhetonan ritual.

E investigacionnan arqueológico den Caribe tocante material di cocolishi ta hayando mas y mas atencion durante e ultimo añanan. E ta un tereno hopi specializa cu ta

desarroyando su mes hopi liher.

Actualmente Museo Arqueológico Aruba (MAA) ta ehecutando un proyecto yamá "The Shell Industry of Aruba" unda cu e partnernan mas importante di MAA ta Universidadnan di Havana y New York y Departamento di Cria y Pesca di Aruba (LVV),

UNOCA y Gobierno di Aruba ta financiá e proyecto aki.

Esaki ta e fase final di un investigacion cu a cuminsa na 1995 y banda di un arqueólogo Cubano, Ramon Dacal Moure, y un arqueólogo Mericano, Marlin Linville, MAA ta participa cu su propio arqueólogo drs.

Raymundo Dijkhoff, Geólogo mr. Arminda Ruiz (BSc), tecnico di veld Francisco Croes, mientras cu e Biólogo Marino drs. Byron Boekhoudt di LVV tambe ta activamente involvi. Cada un lo investiga y scirbi tocante su area di experticio.

E promer resultado nan lo ser presenta na e di 19 Congreso Internacional di Arqueología di Caribe cu lo ser organizá aki

na Aruba di 22 te cu 28 di Juli. E resultado nan final lo ser presenta den e promer mitar di otro aña, haciendo e informacion asina accesibel pa e publico nacional y internacional/

E formula di MAA cu ta encerrá pa involvi arqueologonan nacional y internacional di diferente institucionnan renombrá, profesionalnan di otro disciplina y trahando riba un nivel interdepartamental, ta resulta den productionan di calidad hopi haltu. Cu e proyecto aki, un biaha mas MAA ta hunga un rol importante den Caribe, poniendo trendnan nobo den arqueologia y otro terrenonan científico.